

Enformaziuns y Comunicaziuns

Calëndri liturgics: Jödapè de dlijia pòn ciafé al prisc de 0,50€ de pici calëndri liturgics, olache al è lassora les letöres y i vagneli por vigne dé dal ann. Cösc dess ester en aiüt por se dé jö cola Sacra Scritöra, y magari se tignì a mont önn en ponsier co s'acompagnëia tla vita da vigne dé. Düc è enviës da anüzé cösta proposta.

Cor dai mituns: La proscima proa è en vëndres ai 05/12 ales 15:00, te scora de musiga.

San Mocherà: I Jogn d'Al Plan fej inçe eniann San Mocherà fora por les ciases, plü avisa ai 5 de dezëmber (sce al è trepes families co s'anunziëia, spo inçe ai 6). Les families co ò che San Mocherà storji pro te söes ciases, è periades da s'anunzié al 334/3395865.


Uniun dles Ëres: La Uniun dles Ëres s'encunta en lönesc ai 1. de dezëmber dô rorate, ales 20:15 za., te salf de calogna.

Teater: L'Uniun dal Teater da Falzes enviëia en lönesc ai 1. de dezëmber ales 20:00 te Istitut Ladin Micurà de Rü a ti ciaré al tòch de teater "Nigglas Spiel", co cunta dla storia de San Mocherà. Tai ultimi agn àn, cis tai païsc de Puster, endò motü man da porté dant le tòch, desco plüdadio.

KVW: Le KVW enviëia vëdoi, vëdoes y porsones sores da gnì en sabeda ai 13 de dezëmber dales 14:00 tla Mensa dal KVW da Bornech a na festa d'Advënt. Prenotaziuns y enformaziuns pla raprejentanta dal KVW de païsc (Tresele), çina ai 11 de dezëmber.

ASC Mareo: Le ASC Mareo lascia alessëi che tal bar dal ciamp dal sport èl gnü arjigné ete na palestra da fà pëisc, por düc. L'azes è sön abonamont. Por enformaziuns sön i cosc o cô ciafé la tle, pòn cherdé sö Paul Pisching al 347/5539149.

Assoziaziun Turistica: En sabeda ai 6 de dezëmber sarà la defilada de San Mocherà. Le vëscio pëia ia ales 17:00 da plaza dla scora demez, acompagné da sü agni, dal vedl y da val' malans. Al jarà fora por la strada Catarina Lanz, por roé çina söla plaza dal marcé d'Advënt. Enlò èl por düc val' de cialt y i mëndri ciarà en picio sach checio.



Gejù à dit: „Chi co crëi te mè, vir inçe sce ai mör!“
La comunité tol comié da **Simonetta Ponzini Zorzi** morta al'eté de 93 agn. Ai familiars ti va les condolianzes plü sontides. Che Simonetta pòi palsé tla pësc de Dio!

Impressum: Ploania d'Al Plan, str. Catarina Lanz nr. 46, 39030 Al Plan de Mareo.
Comunicaziuns - çina al dédemesaledema sëra - da mené a: Pablo Palfrader
Tel. 333 4762010 Mail: ploaniaalplan@gmail.com
Download plata: www.comun.mareo.bz.it o inçe www.valbadiaonline.it



Ploania
d'Al Plan
de Mareo

La plata de
Ploania

E-Mail: ploaniaalplan@gmail.com - Radio de Ploania: 93,00 MhZ
Telefönn y fax de calogna 0474/501006

Pröma Domëgna d'Advënt, ann B, ai 30.11.14 - nr. 1



VAL BADIA



Metede averda y stede muntri!

Dal vangelo dô San Merch, 13, 24 - 37

³³Metede averda, y stede muntri! Deach'i ne sëis nia, canche le tomp è atlò. ³⁴Ara è desco con en èl co à lascé sôa ciase, por se mëter sölë iade: Al ti à sorandé dôta la responsabilité a sü fanç, a vignönn so laür; le portier àl comané da sté munter. ³⁵Porchël stede muntri! Deache i ne sëis nia, canche le patrun de ciase vën endò, sce da sëra o a mesanet, canche le ial ciante o da doman. ³⁶Al ne dess nia, canch'al vën t'en iade, s'abiné tal som. ³⁷Çi ch'i se diji a os, chël i diji a düc: Stede muntri! **Parora dal Signur. - Lalt a té, Gejù Crist!**


Al vën le Signur!

I o mo mëssel propio ester? Cöstes parores da spaont belo dal mëter man dal Advënt? Pordërt messassel pö ester en tomp bel, sentimental, da sté saori, de pësc. I sun pö belo döt l'ann sön "l'attenti", deache al vën ieré tan trep da nos, y i àn apëna tomp da trà le fle. Sën messassera gnì plü chita la storia, mo spo vëgnel le vangelo con sôa ejortaziun: "Stede muntri!" Mëssel ester?

Poa, al mëss ester, rodunt sën mëssel ester, deache zonga sunse al prigo da gnì baiës sö da nos enstësc y da ci co è encër nos ia; rodunt sën mëssunse ester concentrës y sensibli. Al vën le Signur. Al è belo gnü porsona dan duimile agn a Betlehem; al oress ester vigne dé presënt te nosta vita; al gnarà ala fin dai tomps!

Le fat che le Signur vën, ne poi nia enfraté sö con ligrëza, biscoti y sentimentalism. Dötes les üsanzes y tradiziuns à so dërt da ester - desco tofles co se mostra l'essenzial: che le Signur vën!

Sc'i sun bun da mo lascé tó ete da cösta verité, sc'i la toli sö y ëra mo cambia daete, spo poi l'ater ann inçe en pü' lascé dô. Spo n'ai nia bria da messëi ti fà dërt a düc; spo poi inçe en iade di de no, sce al mo vën demassa, deache i ti à dit de sciö al essenzial: a Chël Bel Dio, co oress tres endò danö gnì da me. (Michael Tillmann)



Domëgna: 30.11: I. Domëgna d'Advënt: Ann "B": Markus

Oferta por i bojügns dla Ploania



9.00: Proa dai scolari por le Rorate

10.00: Rorate por les Families (scolari)

18.00: 2. Requiem por +nta Zorzi Ponzini Simonetta
S.M. por vîs y +nc' dla Fam. Ties da Ras – Ritterkeller
S.M. por +nc' dla Fam. Castlunger Lois y Oliva
S.M. por +nta Rosa Obojes dal Craizer
S.M. por +nt Carlo Pedevilla
S.M. por la pêsc tles ciases de na Vijinanza

Lön. 01.12: **Lönesc dla 1. edema d'Advënt: Quatember: Sa.Natalia**

N.B.:

15.00: S.M. por +nta Irma Mutschlechner, Fanes

19.30: Rorate por +nt Jep Morlang, Pré de Sot
(Andrea Pisching)

Dédol. 02.12: **Dedolönesc dla 1. edema d'Advënt: S.Luzio, Sa.Balbina**
Les Families vëgn enviades ala oraziun te familia

Dédem.03.12 **S.Francësch Xaver: 3. patrono d'Al Plan: Sa.Gerlinde**

19.30: Rorate por +nta Teresa Bernardi de Cassl
(Herta y Jasmin)

Jöbia 04.12: **Sa.Berbura (stödafüs), S.Adolph Kolping, S.Christian**
Vijita te dljia y cortina

Vëndr.05.12.: **Vëndres dla 1. edema d'Advënt: S.Anno, Sa.Attala**

12.50: Al ti vëgn porté la S.Comeniun ai amarês

15.00: Ora de adoraziun y oraziun

19.30: Rorate por +nta Clara Tamers Oberbacher (Mosaic v.)

Sab. 06.12.: **Festa de S.Mocherà: Sa.Maria in sabato**

17.00: Poscibilità da se pisié

18.00: Rorate por le Consorzio dal ega (Renzo)

Domëgna 07.12: II. Domëgna d'Advent: S.Ambroje

Oferta por i bojügns dla Ploania



9.30: Corona por +nta Simonetta Ponzini Zorzi

10.00: Rorate por i doturs, infermiers y amarês

Rorate por i grups de S.Vinzenz, KVV, 3. Monn
(Quartett Èi)

18.00: S.M. por +nt Dalla Santa Raimondo
S.M. por +nc' de Hansi y Zilia Erlacher dal Craizer
S.M. por +nt Pire Kaneider de lanesc
S.M. por +nc' Romano y Zilia Taibon dal Brocia
S.M. por +nt Adolf Pisching de Candido

1. DOMÈGNA D'ADVÈNT

Cambiamoné nes fej mëter averda

"Stede muntri, dèache al mët man val'de Nö; stede muntri, aède coraje por cambiamoné y speranza tal dagní."

Odëi tler la realté, te chëra ch'i viun, y la realté a chëra ch'i ti jun adencuntra.

Cösta realté è CRIST. Al è belo sëgn presënt ennanter nos con Söa Parora, tal Sacramont y t'les porsones encër nos ia.

Al è da conscidré vigne dè le tomp dla vegnüda de Crist.

L'Advënt s'enviëia a vire la vita con coscionza.

Èster de verda è emportant tla vita da vignedè, mo inçe tai gran argomoné y compicé dla Dljia.

Cösc vâl ciámó deplö canche al nes speta cambiamoné, desco pa nosta Sinoda Diozejana.

Plö grana che l'intenziun è, tan deplö mëss i cristians laoré adöm y proé da arjunje de bones relaziuns.

Al è na ert: tó éte düc tla medema barca.

Propi atlö val debojügn èster vardioné, porciòdi che les porsones reagësc atira con tëmes y dejaproaziun canche ara se trata da cambiè val'.

La jont ô gnì condüta con sigürté y fidonza adencuntra le dagnì.

(Sonntagsblatt, pr)



Erster Advent

ASPETÉ LA LÖM

Signur, lascia slominé töa löm sön nosc tru,

che confidunse sön töa parora y töa bonté canch'al vëgn scür sora de nos.

Làscesse sonti töa presënza che ne pordunse nia la pazionza canche i n'àn degöna sodesfaziun y la vita passa.

Dàsse le fle dal amur, canch'i dobitun.

Vi adencuntra, fistidiëia de nos.

Dàsse la man, canch'ara vëgn da ti jì a funz a nosta fede nostes poscibilités. Disse töa parora. Làscesse conëscë fora töa usc ennanter dotes chëres ch'i aldiun; no sté dalunc, mo dlungia, ch'i podunse te sonti y èster spo plü encontoné.

Ofertes empede ciöf son fossa dla +nta Simonetta Zorzi

Por SS. Mësses: le möt Marco con familia, Fam. Del Buono, Federa Marta

Por la Dljia: Chi de Fodara Vedla, Ida Mutschlechner

Por la Krebshilfe: Ostaria da Garsun

Der bel iolan y Dio s'al paii

Sorvisc dai Ministroné

Lönesc 01/12 (19:30h), Dédemesalèdema 03/12 (19:30h), Vëndres 05/12 (19:30h): Lara Ploner, Serena Alessandri;

Sabeda 06/12 (18:00h): Sara Doria, Max y Jan Trebo, Elena y Natalie Obojes, Mark Kastlunger;

Domëgna 07/12 (10:00h) 2. domënia d'Advënt: Samuel Castlunger, Esther Comploi, Alice Daverda, Elisa Coppola, Anna Chierchia, Max Maneschg;

Domëgna 07/12 (18:00h) 2. domënia d'Advënt: Veronika y Matio Erlacher, Catarina Frenner, Matteo Sotttrovisch, Susanna Kastlunger, Marlene Palfrader

